

最妙飲食湯藥牀褥卧具如是資物不可稱計利養殊妙無所乏少名聞流布遍滿世間而佛於此名聞利養不生染著猶如蓮花處於濁水

尔時世尊有如是等無量威德於諸世間威德最勝殊妙第一

時婆伽婆多他阿伽度阿羅呵三藐三佛陀明行足善逝世間解無上士調御丈夫天人師佛世尊此世彼世若天若魔梵沙門等及婆羅門諸天人境以神通智皆悉證知而彼世尊為世說法辭義巧妙初中後善悉令具足清淨梵行

尔時世尊知諸衆生堪受化者即教化之宜建立者教令建立隨其住處使得成就應受三歸授三歸法應受五戒授與五戒應受八關齋戒之法即授八關齋戒之法應受十善授十善法應出家者令得出家應受具戒授具足戒如是次第長轉漸進至迦毗羅婆蘇

籍集五十二

卷五

都城園林而住

尔時世尊至迦毗羅婆蘇都城住尼拘陀樹林園內而以偈說遊歷國土勝妙之事

釋種如來大師子 瞿曇最勝威德者

往觀城邑及聚落 悉有廣大諸異相

所欲至於村聚落 往見如來大聖師

處處一切諸人衆 恭敬尊嚴來迎奉

所欲至於村聚落 往見如來大聖師

凡是一切諸花樹 悉各傾向世尊所

至於一切林樹下 世尊若立若止息

是樹自然雨其花 遍布其地悉充滿

所至一切林樹下 世尊於中若止住

是樹甘菓自然落 枝葉婀娜悉低垂

有樹人所攀及者 花菓紛雜自可憐

瞿曇如來大聖師 遊行應感如是事

樹有人所不及者 妙花甘菓自然落

瞿曇雄猛大聖師 遊行應感如是事

諸天在於虛空裏 雨花名曰量迦羅

瞿曇雄猛大聖師 遊行應感如是事

諸天在於虛空裏 雨花名曰曼殊沙

瞿曇雄猛大聖師 威德應感如是事

諸天在於虛空裏 雨於雜種妙色花

瞿曇雄猛大世尊 威神應感如是事

諸天在於虛空裏 雨花名曰曼陀羅

集五十二

三

瞿曇雄猛大聖師 威德應感如是事

諸天在於虛空裏 雨花名曰波利耶

瞿曇雄猛大聖尊 遊行應感如是事

諸天在於虛空裏 雨花名曰毗婆伽

瞿曇師子大聖師 遊行應感如是事

諸天在於虛空裏 雨花名曰香勝香

瞿曇師子天人尊 遊行應感如是事

諸天在於虛空裏 雨於種種妙香花

瞿曇大聖人天眼 遊行應感如是事

諸天在於虛空裏 雨花名曰普至香

瞿曇雄猛大聖尊 遊行應感如是事

諸天在於虛空裏 雨於微妙金色花

瞿曇雄猛大聖師 遊行應感如是事

諸天在於虛空裏 雨諸微妙寶色花

瞿曇十力大聖尊 遊行應感如是事

諸天在於虛空裏 雨諸妙色寶莖花

瞿曇雄猛人天眼 遊行應感如是事

諸天在於虛空裏 雨優鉢羅微妙華

瞿曇雄猛天人師 遊行應感如是事

諸天在於虛空裏 雨於沉水妙香末

瞿曇三界天人尊 威德應感如是事

諸天在於虛空裏 雨赤梅檀妙香末

瞿曇師子大聖師 遊行應感如是事

諸天在於虛空裏 雨於牛頭妙香末

瞿曇雄猛大世尊 遊行應感如是事

諸天在於虛空裏 奏作種種諸天樂

瞿曇威猛大聖尊 遊行應感如是事

非人在於虛空裏 拂弄種種妙天衣

瞿曇師子大聖師 遊行應感如是事

諸天隨順佛行路 悉持種種妙香花

為彼大聖天中天 隨路雨花恒至膝

彼時無寒復無熱 種種蚊蚋諸惡虫

微妙大聖天中尊 應感能招如是事

一切大地皆平正 山陵堆阜悉坦然

瞿曇十力大聖尊 遊行應感如是事

一切大地甚清淨 無有惡刺諸荆棘

精集五十一

瞿曇威德天人尊 遊行應感如是事

一切大地微徐動 并大巨海及諸山

瞿曇三界無上尊 遊行感應如是事

一切利利婆羅門 并及毗舍首陀等

其數千萬有千萬 恒共如來相隨逐

復有地居妙勝天 有諸色力大威嚴

瞿曇雄猛大世尊 行住坐立相隨逐

復有護世四天王 並大威力最勝者

瞿曇微妙大聖尊 行住坐立相隨逐

須彌山頂帝釋王 及以梵王娑婆主

瞿曇奇特最勝尊 恒共如是相隨逐

復有欲界諸天眾 及以色界四禪等

瞿曇威猛大聖尊 恒共如是相隨逐

復有諸龍金翅鳥 捷闍婆等阿脩羅

夜叉及以羅刹眾 皆共隨逐如來行

世間所有眾生類 已說及以不說者

悉逐雄猛瞿曇師 遊歷國土及城邑

世尊如是遊行時 教化無量人天等

憐愍所生親族故 今至本城迦毗羅

尔時長老優陀夷及以長老車匿二人俱詣

佛所頂礼佛足却住一面時二長老白佛言

世尊輪頭檀王曾無信心有不淨心乃至不

欲見諸比丘

尔時世尊知是事故告諸比丘作如是言諸

精集五十二

比丘等誰能往詣輪頭檀王所至已教化今

其信敬

尔時眾中有一比丘白佛言世尊今此長老

舍利弗者堪能往詣輪頭檀王所方便教化

令其信敬

或有比丘白言世尊今此長老目捷連者堪

能往詣輸頭檀王所方便教化令其信敬

或有比丘白言世尊今此長老摩訶迦葉堪能教化令其信敬

或有比丘白言世尊今此長老迦旃延堪能教化令其信敬

或有比丘白言世尊今此眾中長老優樓頻

螺迦葉堪能教化令其信敬

或有比丘白言世尊今此眾中那提迦葉堪能教化令其信敬

或有比丘白言世尊今此長老優波斯那堪能往詣輸頭檀王所方便教化令其信敬

尔時世尊告優陀夷作如是言優陀夷汝於

今者頗能往詣輸頭檀王所到已教化令信敬

不時優陀夷白言世尊我今堪能佛即告言

汝優陀夷汝今往詣輸頭檀王所方便教化

令其信敬

尔時長老優陀夷者聞佛世尊如是語已而

白佛言唯然世尊如佛所教不敢違也時優

陀夷於其晨朝日始初出著衣持鉢往詣向

彼輸頭檀王宮到已問彼守門人言仁者應

知輸頭檀王今在何許彼人報言王今在殿

治理王務

尔時長老優陀夷往至輸頭檀王之所在於

一廂嘿然而住

尔時左右諸大臣等見優陀夷在一邊已即

告四門諸守人言速往斷此出家之人勿令

在此致使王見起發惡心其守門人聞大臣

命速往至彼優陀夷邊欲駢令出時守門人

見已始知是國師子昔時恒共太子悉達少

小朋遊拊塵之戲不忍駢逐而復迴還時諸

釋集卷二

本

大臣問守門人作如是言汝等何故不駢如

此出家人却時守門人報諸臣等作如是言

其人乃是國師之子從生已來悉達太子友

故朋親拊塵之好是故我等不忍駢遣

尔時輸頭檀王在殿斷理事訖起欲還問諸

大臣等左右圍遶將入宮內時優陀夷速往

直至輸頭檀王所執其王手當於尔時輸頭檀王嘿然不語作如是念我今若語恐守門人駢令出去其守門人復作是念諸大臣輩自應駢遣其諸大臣復作是念宮門內人當應遮却宮門內人復作是念此人本是輸頭檀王恒所愛念如今還復執手而行尔時各作如是念故無有一人能駢遣者

尔時輸頭檀王漸進入宮昇其內殿坐師子座時優陀夷見淨飯王入彼宮內昇其殿已優陀夷亦上其殿去王不遠在前而立輸頭檀王見優陀夷相去不遠在前立已即生煩惱出微細聲作如是言嗚呼苦哉我子形容

如此枯悴可厭惡也汝等速駢此出家人阿誰聽入使來此也

時諸大臣白言大王如臣等見是事不然大王不應駢此人出所以者何此人既是國師之子復是悉達小來朋伴拊塵遊戲

時優陀夷言辭哀愍不令傷損淨飯王意而

集五十二

七

說偈言

規求穀實故犁種 貪覓寶貨入於海
我意今來貪住此 唯願其事速成就
如此道路常吉利 於諸無畏常安隱
欲至諸方求利者 必使瞿曇利得成
數數諸人耕其地 數數於中散種子
數數諸天下甘雨 數數國內五穀成
數數乞士恒常乞 數數施主恒常施
數數此世行檀那 數數天上獲其果
數數牝牛搆得乳 數數擯子向母邊
數數婦人懷胎載 數數生產受諸苦
數數死屍向寒林 數數諸親悲啼送
若得聖道無後有 於煩惱中不受生
尔時輸頭檀王聞優陀夷作如是等哀愍語已猶懷小疑尋復重問優陀夷言尊者本於誰邊出家大師是誰時優陀夷說偈以報淨飯王言

師父名曰輸頭檀 所生尊母名摩耶

懷在胎中經十月 生已母終生切利

如是聖者生汝家 大德大聖天中天

彼家七世已濟拔 名聞處處皆流布

丈夫入中最希有 於一切處不受生

所生如是大聖者 其家恒受大安樂

釋種親族最名稱 尊生百福莊嚴身

如是釋子天中勝 我於彼邊出家者

尔時輸頭檀王復問長老優陀夷言善哉比

丘汝實誰邊而得出家而彼人師頗有正信

及能正意行梵行不在阿蘭若空閑樹下生

意樂不

尔時長老優陀夷以偈復報輸頭檀王作如

是言

王問誰邊出家者 彼人正信行梵行

無有方所懷憂怖 在於樹下常受樂

不畏他聲猶師子 不被羅網如猛風

教授他人自無學 拔諸恐怖身不怖

輸頭檀王復問長老優陀夷言如是比丘今

藉集五十一

在何處優陀夷言如大王問然彼多他伽多

阿羅訶三藐三佛陀今已在此迦毗羅城尼

俱陀林

尔時輸頭檀王即作是念此優陀夷乃是我

兒之弟子也以是因緣告諸大臣作如是言

卿等今可請此比丘在座安坐其諸大臣聞

王勅已白言大王不敢違背即請長老優陀

夷坐時淨飯王復勅諸臣卿等將食與此比

丘諸臣得勅即持淨水與優陀夷盥洗手已

即將飯食授優陀夷時優陀夷得此食已而

不自食欲將此食奉獻世尊輸頭檀王遂問

長老優陀夷言比丘何故不食此食優陀夷

言此食擬將奉獻世尊是故不食時淨飯王

心復懊惱涕淚橫流而作是言嗚呼我子身

體柔軟昔在宮內恒受快樂身無諸苦今日

何故受如此困乃使比丘乞得食已尔乃方

食時淨飯王作是語已悲啼哽咽復告優陀

夷作如是言比丘今者但食此食我今更為

別取飲食將與汝師時優陀夷復白王言如是大王此食已擬奉獻世尊此食世間所有衆生無能消者所以者何然彼世尊戒行最勝禪定最勝智慧亦勝時淨飯王告諸大臣作如是言卿等今者更取飯食與此比丘令其食已速將此食送彼太子諸臣即時更將

籍

集五十二

九

別食與優陀夷時優陀夷飯食已訖而白王言如是大王如來世尊阿羅呵三藐三佛陀如是王者及諸人衆無量無邊皆來恭敬然余大王亦應宜往到於彼處作是語已從坐而起欲出宮時輸頭檀王復白長老優陀夷言尊者於先至悉達所作如是言我今不久欲來見汝優陀夷言敬如王命

尔時長老優陀夷即持彼食從城而出至尼俱陀樹林之內至佛所已白言世尊輸頭檀王我已教化令得歡喜欲來見佛其優陀夷從宮出時須臾之間其輸頭檀王勅諸大臣作如是言卿等知時悉達太子已至此城我等

今者當作何事諸大臣言善哉大王若更有別餘沙門來到王所者我等尚須供養供給况復今者悉達太子與我等身無異無別豈得安然不生恭敬我等但護大王心意未至彼耳

尔時輸頭檀王勅令振鐸普告城内悉使知聞我今欲至悉達太子往觀彼處汝等各各備辦莊嚴隨從於我 迦葉遺師作如是說其摩訶僧祇師復作是說乃言尔時輸頭檀王白優陀夷作如是言如比丘意欲為太子作何等食時優陀夷而白王言如是大王若其欲為世尊造食當須好作清淨甘美香潔銷饌世尊唯食如此食耳

尔時輸頭檀王勅諸大目卿等須知速為太子辦諸清淨香潔飲食諸大臣等聞王勅已而白王言依大王教不敢違也遂即供辦種種銷饌清淨香潔甘美飲食辦如是已付優陀夷其優陀夷自食訖已持王所辦銷饌飲

食清淨香潔從迦毗羅婆蘇都城往至於尼
俱陀林至彼佛所而白佛言世尊我已教化
輸頭檀王令心歡喜欲來見佛先以如此香
美飲食辦具與我敬奉世尊願佛納受如法
食耳

爾時諸比丘而白佛言希有世尊云何長老

優陀夷教化輸頭檀王能令歡喜又能令辦
清淨香潔甘美飲食將奉世尊作是語已佛
告諸比丘作如是言汝諸比丘其優陀夷非
但今日至於輸頭檀王之所教化訖已復將
甘美飲食與我往昔亦曾教化於彼今歡喜
已將甘美食而與我來

時諸比丘復白佛言唯然世尊其事云何願
為我等說如是事我輩今者願樂欲聞
佛告諸比丘我念往昔久遠之時波羅捺國
有一烏王其烏名曰蘇弗多羅隋言善子而依住
彼波羅捺城與八萬烏和合共住善子烏王
有妻名曰蘇弗室利隋言善女時彼烏妻共彼烏

王行慾懷妊時彼烏妻忽作是念願我得淨
香潔飲食現今人王之所食者而彼烏妻思
是飲食不能得故宛轉迷悶身體憔悴羸瘦
顛掉不能得安善子烏王既見已妻宛轉迷
悶身體憔悴羸瘦顛掉不自安故問其妻言
汝今何乃宛轉於地身體憔悴羸瘦顛掉不

能自安彼時烏妻報烏王言善哉聖子我今
有娠乃作是念願得清淨香潔餽饈如三食
者時善子烏告其妻言異哉賢者如我今日
何處得是香美飲食王宮深邃不可得到我
若入者於彼手邊必失身命彼妻又復報烏
王言聖子今者若不能得如是飲食我死無

疑并其胎子亦必無活善子烏王復告妻言
異哉賢者汝今死日必當欲至乃思如是難
得之物善子烏王作是語已憂愁悵快思惟
而住復作是念如我意者如是香潔清淨飲
食如王食者實難得也
爾時烏王群衆之內乃有一烏見善子烏心

懷愁憂不樂而住見是事已詣烏王所白烏王言異哉聖者何故憂愁思惟而住善子烏王於時廣說前事因緣彼烏復白善子王言善哉聖子莫復愁憂我能為王覓是難得香美餚饍王所食者是時烏王復告彼烏作如是言善哉善友汝若力能為我得辦如此事者我當報汝所作功德

尔時彼烏從烏王所居住之處飛騰虛空至梵德宮去厨不遠坐一樹上觀梵德王食厨之内其王食辦有一婦女備具餚饍食時將至專以銀器盛彼飲食欲奉與王尔時彼烏從樹飛下在彼婦女頭上而立啄啗其臍時彼婦女患其臍痛即翻此食在於地上尔時彼烏即取其食將與烏王得已即將與彼善女烏妻其妻得已尋時飽食身體安隱如是產生

尔時彼烏日別數往奪彼食取將與烏王時梵德王屢見此事作如是念奇哉奇異云何

此烏數數恒來穢汗我食復以紫爪傷我婦女而王不能忍此事故尋時勅喚網捕獵師而語之言卿等急速至彼烏處生捕將來其諸獵師聞王勅已啓白王言如王所勅不敢違命獵師往至以其羅網捕得此烏生捉將來付梵德王時梵德王語其烏言汝比何故

數汗我食復以紫爪傷我女婦尔時彼烏語梵德王善哉大王聽我向王說如此事令王歡喜時梵德王心生喜悅作如是念希有斯事云何此烏能作人語作是念已告彼烏言善哉善哉汝必為我說斯事意令我歡喜

尔時彼烏即以偈頌向梵德王而說之曰

大王當知波羅捺 有一烏王恒依止
八万烏眾所圍遶 悉皆取彼王處分
彼烏王妻有所憶 我向大王說其緣
烏妻所思香美餚 如是大王所食者
是故我今數數來 抄撥大王香美食
今者為彼烏王故 致被大王之所繫

善哉唯願大聖王 慈悲憐愍放脫我

我為烏王彼妻故 數來抄撥大王食

我念從此一生來 未曾經造如此事

今為大王一勅已 於後不敢更復為

時梵德王既聞彼烏如此語已心生喜悅作

如是言希有此事人尚不能於其主邊有如

是等愛重之心如此烏也作是語已其梵德

王而說偈言

若有如是大臣者 彼應重會食對祿

須似如是猛健烏 為主求食不惜命

其梵德王說此偈已復告烏言善哉汝烏於

今已去常來至此取香美食若其有人遮斷

於汝不與食者來語我知我自與汝已分所

食而將去耳

佛告諸比丘汝等當知彼烏王者我身是也

彼時為王偷食烏者即優陀夷比丘是也梵

德王者此即輸頭檀王是也於時比丘優陀

夷令彼歡喜為我取食今亦復令淨飯王

心生歡喜又復為我而將食來

時淨飯王於後方始扣其鈴鐸勅迦毗羅婆

蘇都城所有人民不得一人於先往見悉達

太子若欲見者要須共我相隨而見

佛本行集經卷第五十二

卅三

迴旋宜下似踟躕二同徒闕苦本騶莫班枯悴

醉慈反厭惡上一始規求上決榮穀非音

牒牛字上音構正作滌上音非涕淚非音

體上音哽咽下上結反鐸徒各銷上音非涕淚非音

利上音又竹吉懷妊下而憔悴上音深遠下音羸瘦

垂反力戰恍之二有正作顛掉上音身深遠下音羸瘦

廚直朱啄齒上音卓下屢力句音嘴上音抓上音

巧抄撥下上初教反扣音苦音候反

必末反扣音苦音候反

必末反扣音苦音候反

必末反扣音苦音候反

必末反扣音苦音候反

必末反扣音苦音候反

必末反扣音苦音候反

必末反扣音苦音候反